

შუამავლობა ლოგისტიკაში

შოთა კეშაბიძე

სტუ-ს ასოცირებული პროფესორი

ლალა ოსაძე

გორის სასწავლო უნივერსიტეტის ასოცირებული პროფესორი

დადი სეხნიაშვილი

სტუ-ს ასოცირებული პროფესორი

XX

თანამედროვე ბიზნესის სპეციალიზაციის მაღალი დონით გამოირჩევა. იგი როგორც წესი, საჭიროებს გასაღების არხებში შუამავლების გამოყენებას. შუამავლობა, როგორც სამეურნეო ცხოვრების ინსტიტუტი, ნიშნავს მესამე პირისათვის უფლებამოსილებათა გადაცემას გარკვეული ოპერაციების შესასრულებლად, კაპიტალის ბრუნვის დაჩქარების მიზნით. ეს ფასიანი მომსახურებაა. შუამავლები – ბაზრის სუბიექტები არიან, რომელთათვისაც შუამავლობა მათი სამეურნეო ცხოვრების შინაარსია. მათ ეკისრებათ სხვადასხვა ფუნქციის შესრულება, რომლებიც განზოგადებული სახით შეიძლება დავყოთ განაწილების ფიზიკურ, გაცვლის (ყიდვა-გაყიდვის) და დამზადრე ფუნქციებად (საინფორმაციო, ფინანსური, მატერიალური ნაკადის სერვისული თანხლება).

შუამავლი, როგორც ბაზრის სუბიექტი – ესაა ფიზიკური ან იურიდიული პირი. გასაღების არხში ის ხელს უწყობს საქმიანი კავშირების დამყარებას პროდუქციის მწარმოებელსა და მის მომხმარებელს შორის, როგორც აუცილებელ პირობას, კომერციული გარიგების მოსახდენად.

კომერცია, ლოგისტიკა და მარკეტინგი ოდესღაც ერთიანი კომერციული საქმიანობის განცალკევებული სახეები იყო. თუმცა საქმიანობის ყოველმა ახალმა სახემ დამოუკიდებელ გზაზე ჰპოვა მნიშვნელოვანი განვითარება, მათ შეინარჩუნეს თავიანთი ბუნებრივი ერთიანობა. განსაკუთრებით თვალსაჩინოდ იგი ვლინდება გასაღების სისტემაში: გასაღების საქმიანობის თითოეულ პროცესში არის კომერციის, ლოგისტიკისა და მარკეტინგის მონაწილეობა. გასაღება – მათი საერთო საქმეა, რომლის შედეგიც უნდა გახდეს ორმხრივად ხელსაყრელი კომერციული გარიგების დადება. ნებისმიერი შუამავლის – კონკრეტული ფუნქციური პირის – მოქმედებებში ყოველთვის შეიძლება ვიპოვოთ რაღაც, რომელიც მიეკუთვნება კომერციასაც, მარკეტინგსაც და ლოგისტიკასაც. ასეთი ფუნქციური ერთიანობის დიფერენცირება რთულია. როგორც ვთქვით, კონკრეტული საშუამავლო საქმიანობის კუთვნილების განსაზღვრა ამა თუ იმ სფეროსთვის შეიძლება მხოლოდ იმის მიხედვით, თუ რა ჭარბობს მასში.

გასაღების სფეროში შუამავლობის ინსტიტუტი დაფუძნებულია ერთიანობის და დაყოფის შეხამების პრინციპზე. ფუნქციათა ერთიანობა მდგომარეობს ამ ოპერაციის ეკონომიკურ დანიშნულებაში; მისი დაყოფა კი – იმ ამოცანათა შინაარსის სხვაობაშია, რომლებიც მისი დახმარებით წვევებენ კომერციას, ლოგისტიკასა და მარკეტინგს. ყოველი სამეცნიერო მიმართულება ავითარებს თავის წარმოდგენას შუამავლობაზე. ერთიანობის და დაყოფის პრინციპის შეხამების გათვალისწინება საშუალებას იძლევა ვისაუბროთ შუამავლობაზე ლოგისტიკურ, კომერციულ და მარკეტინგულ მოქმედებებში, როგორც დამოუკიდებელ ეკონომიკურ მოვლენებში.

შუამავლები ლოგისტიკურ მოქმედებებში თავიანთ თავზე იღებენ ტრანსპორტირების, დასაწყობების, ტვირთის გადამუშავების, მარაგების მართვის ორგანიზაციას, ე.ი. საქონლის მომზადებას გაყიდვამდე და კომერციული გარიგების დასადასტურებლად პირობების შექმნას. კომერციულ მოქმედებებში შუამავლები თავიანთ ყურადღებას ამახვილებენ სამეურნეო კავშირების ორგანიზაციაზე, კომერციული გარიგებების დადებაზე და მათი შესრულების კონტროლზე.

მარკეტინგულ მოქმედებებში შუამავლები ღიდწილად დაკავშირებული არიან მზა პროდუქციის გაყიდვის სტიმულირების ღონისძიებებთან, მის რეკლამასთან, ბაზრის მარკეტინგულ კვლევებთან.

განვიხილოთ უფრო დაწვრილებით შუამავლობა ლოგისტიკურ ოპერაციებში.

ლოგისტიკის ინგლისურენოვან ლიტერატურაში საქონელმოდრაობის პროცესს ხშირად უწოდებენ ფიზიკურ განაწილებას. მასში გულისხმობენ პროდუქციის მიწოდებისას პროცესს დამამზადებლიდან მომხმარებელამდე. ტერმინი „ფიზიკური განაწილება“ გამოიყენება როგორც ტერმინი „საქონელმოდრაობის“ სინონიმი. საქონელმოდრაობა, როგორც პროცესი, წარმოდგენილია მომარაგების ლოგისტიკაშიც და გასაღების ლოგისტიკაშიც. ისინი განსხვავდება ერთმანეთისგან თავიანთი მიმართულებითა და შინაარსით. გასაღების ლოგისტიკის სისტემაში საქონელმოდრაობა მოიცავს მზა პროდუქციის შენახვის, ტრანსპორტირებისა და დასაწყობების ორგანიზებას.

ცნება **საქონელმოდრობის** შინაარსი გულისხმობს საქონლის სარეალიზაციოდ მოსამზადებელ ყველა ოპერაციას, მაგრამ გასაღების ლოგისტიკის კულმინაციურ მომენტში კომერციული გარიგების დადება არ შედის. საქონელმოდრობა – გასაღების ლოგისტიკის ერთ-ერთი კატეგორიაა. შეგახსენებთ, რომ პროდუქციის მიყიდვა შუამავლისთვის არ ნიშნავს მისი ბრუნვის პროცესის დასრულებას, იგი გრძელდება მანამდე, სანამ საქონელი არ მივა საბოლოო მომხმარებელამდე.

საქონელმოდრობის ფუნქციების შესრულება შეუძლია როგორც საწარმოს, ანუ მზა პროდუქციის მწარმოებელ სპეციალიზებულ განყოფილებებს, ისე შუამავლებსაც: სხვადასხვა სპეციალიზებულ სატრანსპორტო, საექსპედიტორო, სატრანსპორტო-საექსპედიტორო საწარმოებს, სატვირთო ტერმინალებს და ტერმინალურ კომპლექსებს, სატვირთო განაწილებელ ცენტრებს, მზა პროდუქციის დამახარისხებელ, ტარისა და შესაფუთ საწარმოებს და სხვ.

გასაღების ლოგისტიკის სისტემაში გამოიყოფა მეწარმეობის დამოუკიდებელი სახე – ფიზიკური განაწილების კომპანიები. ისინი ასრულებენ სხვადასხვა ფუნქციას: გადაზიდვას, ექსპედიციას, დასაწყობებას, შენახვას, ტვირთის გადამუშავებას, დახარისხებასა და ა.შ. ამ კომპანიათა მუშაობა აგებულია იმ სხვადასხვა ლოგისტიკური ფუნქციის გაერთიანებაზე, რომლებიც უზრუნველყოფენ ლოგისტიკურ ჯაჭვში მატერიალური ნაკადის ტვირთის პარტიის ინტეგრაციას და დეზინტეგრაციას. მატერიალური ნაკადის დაჯგუფება წარმოებს ტვირთის უფრო მსხვილი პარტიების შესაქმნელად, რათა შემცირდეს დანახარჯები შუალედურ სატრანსპორტო-სასაწყობო ოპერაციებზე. პროდუქციის ცალკეული პარტიებიდან მატერიალური ნაკადის ფორმირება ზორციელდება მომხმარებლის ინტერესების გათვალისწინებით.

გასაღების სისტემისთვის მატერიალური ნაკადის კონფიგურირებისას პროდუქციის ყოველი ერთეული უნდა იყოს შეთანხმებული და შესაბამისი სახით ინდენტიფიცირებული მასთან ოპერირებულ ელემენტებში (რგოლებში). ამგვარად ინტეგრირებული პროდუქციის ერთეულები, როგორც ერთიანი კომპლექსი, გამოიყენება მთელი ლოგისტიკური ციკლის განმავლობაში, და ამ პროცესმა მიიღო სააღრიცხვო-სახელშეკრულებო ან ტრანსაქციური ერთეულების სახელწოდება. ლოგისტიკური ციკლის „გასაღება – მიწოდების“ მონაწილეები ცდილობენ გააგრძელონ სტანდარტიზაცია სატვირთო და სატრანსპორტო დოკუმენტების გაფორმებაზეც, გაყიდვის პირობებზეც და საქონლის მომხმარებლისთვის გადაცემაზეც; ისინი აგრეთვე

ახდენენ შეფუთვის საშუალებების უნიფიცირებას და ტვირთების, კონტეინერების ტრანსპორტირებას და ა.შ. განსაკუთრებით მოთხოვნილია სტანდარტიზაცია შერეულ გადაზიდვებში. ტვირთის ასეთი გადაზიდვის დროს საკმაოდ რთულია უზრუნველყო გადაადგილების სინქრონულობა მატერიალური და მათი შესაბამისი საინფორმაციო ნაკადების ლოგისტიკურ ჯაჭვში. უფრო უძველესი სიტუაციაა, როცა დროის მიხედვით ინფორმაცია უსწრებს მატერიალური ნაკადის მოძრაობას. ასეთი ამოცანის გადაჭრა ხელეწიფება თანამედროვე საინფორმაციო-კომპიუტერულ და ტელესაკომუნიკაციო ტექნოლოგიებს. ფიზიკური განაწილების კომპანიის გავლენის სფერო ვრცელდება გარკვეულ რეგიონზე, კლასტერზე ან სატრანსპორტო დერეფანზე.

ლოგისტიკური ფუნქციები, რომლებიც მიეკუთვნება საქონელმოდრობას, შეიძლება შეასრულონ სავაჭრო შუამავლებმაც; ისინი, გარდა გაცვლის (ყიდვა-გაყიდვა) ფუნქციებისა, დაკავებული არიან საქონლის ტრანსპორტირების, ექსპედიციის, დაზღვევის, ტვირთგადამუშავების, მარაგების მართვის, კლიენტების გაყიდვამდე და გაყიდვის შემდგომი მომსახურების ორგანიზებით.

ასეთი სავაჭრო შუამავლების საორგანიზაციო ფორმები განსხვავდება იმის მიხედვით, თუ რა სახის კომერციულ გარიგებაში მონაწილეობენ ისინი: გამოცალკევდებიან თუ არა საწარმოო დაწესებულებებისგან ეკონომიკურად, იძენენ რა საკუთრების უფლებას საქონელზე, თუ საშუამავლო საქმიანობას ასრულებენ ისე, რომ არ ხდებიან საქონლის მესაკუთრენი. ამ ნიშნის მიხედვით შეიძლება სავაჭრო შუამავლობის მთელი მრავალფეროვნების კლასიფიცირება.

თუკი კომერციული გარიგების შედეგებით საწარმო ინარჩუნებს საკუთრების უფლებას მის საბოლოო მომხმარებელთან მიწოდებამდე, მაშინ იგი ინარჩუნებს კონტროლს გასაღების არხზეც, იმაზე, თუ როგორ დგინდება ფასები საქონელზე და სად მიემართება ის. სხვა შემთხვევაში მსგავს საკითხებს წყვეტენ გასაღების არხის მონაწილეები დამოუკიდებლად.


მწარმოებელს, რომელიც ინარჩუნებს საქონლის ფლობის უფლებას მისი გასაღების არხში, აქვს უპირატესობა – მას შეუძლია გავლენა მოახდინოს ფასობრივ პოლიტიკაზე და გააკონტროლოს საქონელი საბოლოო მომხმარებელამდე მისი გადაადგილების მთელ გზაზე. მაგრამ ეს უპირატესობა შეიძლება ადვილად დაკარგოს: იგი დაკავშირებულია მთელი რიგი რთული ამოცანების გადაჭრასთან, რომლებსაც ჩვეულებრივ თავიანთ თავზე იღებენ საქონელის მფლობელი შუამავლები; ეს ამოცანებია: საქონლის საჭირო რაოდენობის მარაგის შენარჩუნება; მომხმა-

რეგისტრაციის საქონლის გარანტირებული მიწოდება დადგენილ დროს; შესანახი ფართობების ტექნიკური მომსახურება და შენახვა; შეკვეთების დამუშავება და დოკუმენტირება; საქონლის დაბრუნების პირობების უზრუნველყოფა და სხვა ოპერაციები.

შუამავლები, რომელთაც გადაეცემათ საქონლის გასაღების ამოცანების გადაწყვეტა, იმის მიუხედავად, ფლობენ თუ არა ისინი მათ, ითხოვენ საქონ-

ლის მწარმოებლისგან თავიანთი დანახარჯების კომპენსაციას. განვიხილოთ სხვადასხვა ტიპის შუამავლების საქმიანობის თვალსაზრისით.

თანამედროვე ბიზნესი სპეციალიზაციის მაღალი დონით, როგორც წესი, განაპირობებს სადისტრიბუციო შუამავლებისთვის მიმართვის აუცილებლობას. ეს უკანასკნელი კი სხვადასხვა ფუნქციას ასრულებენ (სურ.1).



სურ. 1. შუა პროდუქციის მყიდველამდე მიტანის საშუალებები

სხვადასხვა შუამავალი, ასრულებს რა სხვადასხვა ფუნქციას მზა პროდუქციის განაწილების პროცესში, ერთმანეთისგან განსხვავდება იმით, თუ ვის ხარჯზე და ვისი სახელით მუშაობენ (ცხრ. 1).

ლილერები – ესენი არიან საბითუმო (იშვიათად საჯალო) შუამავლები, რომლებიც წარმართავენ ოპერაციებს თავიანთი სახელით და თავიანთ ხარჯზე. ისინი საქონელს იძენენ მიწოდების ხელშეკრულებით. ამგვარად ლილერი ხდება პროდუქციის მესაკუთრე მიწოდების სრული გადახდის შემდეგ. ურთიერთობა მწარმოებელსა

და ლილერს შორის წყდება მიწოდების ხელშეკრულებაზე ყველა პირობის შესრულების შემდეგ.

ასხვავებენ ორი სახის ლილერებს. ექსკლუზიური ლილერები – მწარმოებლის ერთადერთი წარმომადგენლები არიან მოცემულ რეგიონში. ისინი აღჭურვილნი არიან განსაკუთრებული უფლებებით თავიანთი პროდუქციის რეალიზაციაზე. ლილერებს, რომლებიც თანამშრომლობენ მწარმოებელთან ფრანშიზის პირობებით, ავტორიზებული უწოდებენ.

ცხრილი 1

განაწილების არხებში სავაჭრო შუამავლების სახეები

შუამავლის ტიპი	კლასიფიკაციის ნიშანი
ლილერი	თავისი სახელით და თავის ხარჯზე
დისტრიბუტორი	სხვისი სახელით და თავის ხარჯზე
კომისიონერი	თავისი სახელით და სხვის ხარჯზე
აგენტი, ბროკერი	სხვისი სახელით და სხვის ხარჯზე

დისტრიბუტორი – საბითუმო და საცალო შუამავლები, რომლებიც წარმართავენ ოპერაციებს მწარმოებლის სახელით, როგორც წესი, თავიანთ ხარჯზე, მწარმოებელი დისტრიბუტორს უფლებას აძლევს ივაჭროს თავისი პროდუქციით გარკვეულ ტერიტორიაზე გარკვეული ვადის განმავლობაში. ამგვარად, დისტრიბუტორი არაა პროდუქციის მესაკუთრე. ხელშეკრულების თანახმად, მათ ენიჭებათ პროდუქციის გაყიდვის უფლება. დისტრიბუტორს შეუძლია იმოქმედოს თავისი სახელითაც. ასეთ შემთხვევაში გაყიდვის უფლების მინიჭებაზე ხელშეკრულების ფარგლებში იდება მიწოდების შეთანხმება. ლოგისტიკურ ჯაჭვში დისტრიბუტორებს ჩვეულებრივ ადგილი უკავიათ მწარმოებელსა და დილერებს შორის.

კომისიონერები – ესენი არიან საბითუმო და საცალო შუამავლები, რომლებიც ოპერაციებს ატარებენ თავიანთი სახელით მწარმოებლის ხარჯზე. კომისიონერი არ არის გასაყიდი პროდუქციის მესაკუთრე. მწარმოებელი (ან კომიტენტი მოცემულ ოპერაციაში) რჩება პროდუქციის მესაკუთრე საბოლოო მომხმარებლისთვის მის გადაცემამდე და გადახდამდე. პროდუქციის მიწოდების შესახებ ხელშეკრულება იდება კომისიონერის სახელით. ამგვარად, კომისიონერი არის შუამავალი მხოლოდ კომიტენტისთვის და არა საბოლოო მომხმარებლისთვის, რომლის ფულიც გადაირიცხება კომისიონერის ანგარიშზე. ამასთან პროდუქციის შემთხვევითი გაფუჭების და დაღუპვის რისკი ეკისრება კომიტენტს. კომისიონერი ვალდებულია უზრუნველყოს საქონლის დაცვა. პროდუქციის გაფუჭებაზე ან დანაკარგზე ის აგებს პასუხს, თუ ეს მოხდა მისი დანაშაულით. ჩვეულებრივ კომისიონერს გასამრჯელოს უხდებიან ჩატარებული ოპერაციის თანხიდან პროცენტების სახით ან როგორც სხვაობას კომიტენტის მიერ დანიშნულ ფასსა და რეალ-

იზაციის ფასს შორის.

აგენტები – შუამავლები, რომლებიც გამოდიან სხვა, მათ მიმართ მთავარი პირის (პრინციპალის) დამხმარის ან თანაშემწის სახით სახით. როგორც წესი, აგენტები იურიდიული პირები არიან. აგენტები დებენ გარიგებებს პრინციპალის სახელით და მის ხარჯზე. უფლებამოსილებათა მოცულობით აგენტები იყოფიან ორ კატეგორიად. *უნივერსალური აგენტები* ასრულებენ ნებისმიერ იურიდიულ მოქმედებას პრინციპალის სახელით. *გენერალური აგენტები* დებენ მხოლოდ მინდობილობაში მითითებულ გარიგებებს. თავიანთი მომსახურებისთვის აგენტები იღებენ გასამრჯელოს როგორც ტარიფებით, ისე პრინციპალთან შეთანხმების მიხედვით. აგენტის დაჯილდოების ყველაზე გავრცელებული სახეა – დადებული გარიგების თანხიდან პროცენტი.

ბროკერები – გარიგებების დადებისას შუამავლები, რომლებიც თავს უყრიან კონტრაგენტებს. ბროკერები არ არიან პროდუქციის მესაკუთრეები, როგორც დილერები ან დისტრიბუტორები და არ განკარგავენ პროდუქციას, როგორც დისტრიბუტორები, კომისიონერები ან აგენტები. აგენტებისგან განსხვავებით ბროკერები არ შედიან სახელშეკრულებო ურთიერთობაში გარიგების დამდებ არც ერთ მხარესთან და მოქმედებენ მხოლოდ ცალკეული დავალების საფუძველზე. ბროკერებს გასამრჯელო ეძლევათ მხოლოდ გაყიდული პროდუქციის შემდგომ. მათი შემოსავალი შეიძლება ჩამოყალიბდეს როგორც გარკვეული პროცენტი გაყიდული საქონლის ღირებულებიდან, ან როგორც ფიქსირებული გასამრჯელო ყოველ გაყიდულ ერთეულ საქონელზე.

ამა თუ იმ სახის შუამავლების მომსახურებას მიმართავენ დისტრიბუციის სხვადასხვა მიზნის მისაღწევად (ცხრ. 2).

ცხრილი 2

სავაჭრო შუამავლების მიზანშეწონილი გამოყენების მიმართულებები

შუამავლები	გამოყენების მიზანშეწონილობა
ბროკერები	კლიენტების ძიება მიწოდების ფასისა და მოცულობის მიხედვით, დახმარება კონტრაქტების შედგენისას
სავაჭრო აგენტები	პრინციპალის სახელით გაყიდვა ტიპური ხელშეკრულების მიხედვით (გაყიდვების მომზადების ჩათვლით)
კომისიონერები	ტიპური ხელშეკრულებით გაყიდვა თავისი სახელით (განსაკუთრებით პრინციპალის გასვლისას ახალ ბაზრებზე)
კონსიგნატორები	საკომისიო გაყიდვა ვადის და კონსიგნაციის მოცულობის დაცვით გასაღების გარანტირებისა და საშუალებების ბრუნვადობის დასაჩქარებლად
დილერები	ხანგრძლივი მოხმარების იმ მალატექნოლოგიური საქონლის წაწვეის მიზნით, რომლებიც საჭიროებს ხარისხიან ტექნიკურ მომსახურებას ტექნიკური მომსახურების აუცილებლობისას მწარმოებლებთან ტექნიკურ დახმარებაზე ხელშეკრულებების არსებობისას
ბროკერების, აგრეთვე სავაჭრო აგენტების ქსელი	ფართო მოხმარების სტანდარტიზებული პროდუქტების გაყიდვების ორგანიზაციისას
საკომისიო ანაზღაურების მქონე სავაჭრო აგენტების ქსელი	პროდუქციის, განსაკუთრებით მასობრივი წარმოების პროდუქციის გაყიდვათა ორგანიზაციისას, კერძოდ, უწყვეტი საწარმოო ციკლის პროდუქციის გაყიდვების დროს

შუამავლების გამოყენება განაწილების არხებში დამოკიდებულია პროდუქციის (მასობრივი და ა.შ.) ხასიათსა (სახესა) და შუამავლების ყოფნაზე ბაზარზე, ასევე მათი მომსახურების ღირებულებაზე.

შუამავლების გამოყენება საქონლის სახის მიხედვით ხასიათდება შემდეგნაირად:

1. **მასობრივი პროდუქტები** – ყველაზე ხშირად გამოიყენება პირდაპირი გაყიდვები სატრანსპორტო ხელმისაწვდომობის ფარგლებში; დარგობრივი კანტორები (დარგობრივი შუამავლები); რეგიონული საბითუმო შუამავლები.
2. **საშუალო მოთხოვნის საქონელი** – გაყიდვები საკუთარი გამანაწილებელი ქსელების მეშვეობით გარკვეულ ტერიტორიებზე; გაყიდვები ექსკლუზიური დისტრიბუტორების მეშვეობით.
3. **სპეციალური საქონელი** – გაყიდვები პირდაპირ; სპეციალიზებული დისტრიბუტორების მეშვეობით.

ლოგისტიკური არხების სტრუქტურა დისტრიბუციაში შეიძლება დაგყოს, რამდენიმე ნიშნის მიხედვით. სავაჭრო არხების რაოდენობის მიხედვით:

- **ინტენსიური განაწილება** – მონაწილეობს პროდუქციის სარეალიზაციოდ გასაღების კანტორების რაც შეიძლება დიდი რაოდენობა. ეს საშუალებას იძლევა ინტენსიურად შევავსოთ ბაზარი, მაგალითად, ყოველდღიური მოთხოვნის საქონლით.
- **ექსკლუზიური განაწილება** – მონაწილეობს მოცემული ტერიტორიისთვის გასაღების კანტორათა მინიმუმში, რომელთაგან თითოეულს აქვს განსაკუთრებული უფლებები მოცემული პროდუქციის გასაღებაზე მოცემულ სეგმენტში.
- **სელექციური განაწილება** – მონაწილეობს უმნიშვნელო რაოდენობის გასაღების კანტორა, რომლებიც გათვლილია ბაზრის ცალკეული სეგმენტის მოთხოვნათა მომსახურებაზე.

მზა პროდუქციის მოძრაობის ხასიათის მიხედვით:

- **პირდაპირი დისტრიბუცია** – მწარმოებელი წაწევს და ყიდის მზა პროდუქციას ძირითადად უშუალოდ მომხმარებლებზე გასაღების/გაყიდვათა განყოფილებების საკუთარი სტრუქტურების მეშვეობით. მიზანშეწონილია, როცა პროდუქციას ყიდულობენ მსხვილ პარტიებად მოთხოვნის მუდმივ დონეზე და სპეციალური ტექნიკური მოთხოვნების არარსებობისას, ან, როცა საქონელი მზადდება შეზღუდული მოცულობით ერთჯერადი შეკვეთებით სპეციალური მოთხოვნების მიხედვით.
- **არაპირდაპირი დისტრიბუცია** – საქონელი მომხმარებელამდე აღწევს შუამავლების სისტემის – საბითუმო სავაჭრო შუამავლების (დილერების,

აგენტების და ა.შ.) ან ლოგისტიკური შუამავლების (სატრანსპორტო, საექსპედიტორო და სხვა ფირმები) – მეშვეობით. განაწილების არხებში ლოგისტიკური შუამავლების მოზიდვა შეიძლება გამართლებული იყოს იმ შემთხვევაში, თუ ისინი ასრულებენ დისტრიბუციის ფუნქციებს უფრო ეფექტიანად (უფრო მაღალი ხარისხით და ნაკლები დანახარჯით), ვიდრე ეს შეეძლო შეესრულებინა თავად ფირმას.

შუამავლის მომსახურება გამანაწილებელ ლოგისტიკაში მოთხოვნადია, თუკი მათი ღირებულება რაიმე საშუალოს შესრულების დროს საკუთარ დანახარჯებზე ნაკლებია.

ასე, მაგალითად, ყიდულობს რა საქონელს მწარმოებლისგან, საწარმო შეიძლება წააწყდეს აუცილებელი ასორტიმენტის დამოუკიდებელი ფორმირების პრობლემას. ეს პირობები დამახასიათებელია მწარმოებლებისთვის, რომლებიც დაკავებული არიან მასობრივი წარმოებით და უშვებენ საქონლის ფართო ნომენკლატურას. ასეთ პირობებში საქონლის შესყიდვა შუამავლისგან, რომელიც სპეციალიზდება საჭირო ასორტიმენტის ფორმირებაზე და მომხმარებლისთვის მის მიწოდებაზე, უფრო ხელსაყრელია.

შუამავლისგან საქონლის შესყიდვის მეორე უპირატესობაა – შესაძლებლობა შეიძინოს საჭირო საქონლის ფართო ასორტიმენტი შედარებით მცირე პარტიებად. შედეგად მცირდება მარაგების მოთხოვნა, ასევე საწყობების, გარდა ამისა, მცირდება სახელშეკრულებო საშუალოს მოცულობა ასორტიმენტის ცალკეული პოზიციების დამამზადებელთან. იმის გამო, რომ შუამავლები ყიდულობენ საქონლის მსხვილ პარტიას, შუამავალთან საქონლის ფასი შეიძლება აღმოჩნდეს ნაკლები, ვიდრე დამამზადებელთან.

მაგალითი. დამამზადებელი ყიდის საქონელს შემდეგი ფასებით:

- წვრილი საბითუმო მყიდველებისთვის – 100 ლარი ერთეულზე;
- მსხვილი საბითუმო მყიდველებისთვის – 80 ლარი ერთეულზე.

შუამავალი, ყიდულობს რა მსხვილ პარტიას 80 ლარად, ახდენს მის დაწვრილერთეულებას და ყიდის წვრილ საბითუმო მომხმარებლებზე 15%-იანი ფასნამატიტ, ე.ი. ერთ ცალს 92 ლარად. ვინაიდან შუამავალი სპეციალიზდება პარტიის დაწვრილერთეულებაზე, ამდენად მცირე ფასნამატიტის დაწესებისას რეალიზებულ საქონელზე შუამავალი ფარავს თავის დანახარჯებს და აქვს მოგება.

დამამზადებლის მიერ დადგენილი მარჟა წვრილ საბითუმო და მსხვილ საბითუმო მყიდველების ფასებს

შორის 25%-ის ოდენობით მიმართულია უპირველესად საქონლის მსხვილ პარტიებად გაყიდვის სტიმულირებისთვის. მარჟის ზომა დამოკიდებულია იმაზე, თუ ვისზეა ორიენტირებული დამამზადებელი. თუკი დამამზადებელი დაინტერესებულია საქონლის გაყიდვით წვრილ საბითუმო მყიდველებზე, მაშინ მარჟა იქნება მინიმალური. მოცემულ მაგალითში იგი არ აჭარბებს 15%-ს.

თანამედროვე პირობებში სავაჭრო შუამავლები ისწრაფვიან გაზარდონ ძირითადი ფუნქციების ნუსხა და გაამრავლონ წარმოდგენილ მომსახურებათა კომპლექსი, მათ შორის ლოგისტიკურიც. უკანასკნელ ხანებში ლოგისტიკურ შუამავალთა რიცხვი მრეწველობის მიხედვით განვითარებულ ქვეყნებში განუხრელად მცირდება, თუმცა ფართოვდება მათ მიერ გაწეული მომსახურების კომპლექსურობა.

ლოგისტიკურ ჯაჭვებში შუამავალთა არსებობა განაპირობებს რგოლების, ასევე დანახარჯების ზრდას, მაგრამ ამასთან ერთად მათი მონაწილეობა ამალღებს ბაზრებზე საქონლის წაწევის ეფექტიანობას სხვადასხვა მოქმედების ხარჯზე. ესენია:

- საქონლის გასაღების ოპერატიულობით მოგების გაზრდა ბრუნვის დაჩქარების შედეგად;
- მწარმოებელთა განთავისუფლება მომხმარებლებთან დიდი ოდენობის ტრანსაქციებისგან;
- მარაგების შექმნა და წარმოების რიტმის სინქრონიზაცია მოხმარების რიტმთან;
- იმ ფულადი ნაკადების რეგულარულობა, რომლებიც დამოკიდებული არაა პროდუქციის განაწილებაში დანახარჯებზე;
- საწარმოო ასორტიმენტის გარდაქმნა უამრავ გამორიშორებულ საწარმოს ასორტიმენტში, რომელიც ხელმისაწვდომია მომხმარებლებისთვის აუცილებელი რაოდენობით და ხარისხით, კლიენტისთვის საჭირო დროს და საჭირო ადგილზე და სხვ.

პროდუქციის განაწილებისას შუამავლების გამოყენებით მიღებულში მოიაზრება:

1. კვლევითი სამუშაო;
2. გასაღების სტიმულირება;
3. პროდუქციის გაყიდვა უფრო ეფექტიანი საშუალებებით. კონტაქტი პოტენციურ მყიდველებთან, მათი მოთხოვნებთან მისადაგება;
4. მოლაპარაკებების ჩატარება პოტენციურ მყიდველებთან;
5. გასაღების სტიმულირება საქონელზე ინფორმაციის შექმნითა და გავრცელებით;
6. საქონლის ფართო მისაწვდომობის მაღალეფექტიანობის უზრუნველყოფა და მისი მიყვანა ბაზრებამდე;

7. სამუშაოთა მოცულობის შემცირება პროდუქციის განაწილებაზე. საქონლის მოწყობილობა (დანარისხება, შეფუთვა, დამატებითი სერვისი);

8. **საქონელმობრარობის** ორგანიზაცია (ტრანსპორტირება, ექსპედირება, დასაწყობება, ტვირთდამუშავება და სხვ.);

9. განაწილების არხში საქონელბრუნვის პროცესის დაფინანსება;

10. არხის ფუნქციონირებასთან დაკავშირებული რისკების გათვალისწინება;

განაწილების ლოგისტიკური სისტემის აგებისას გამოიყენება განაწილების ოპტიმალური ვარიანტის არჩევის შემდეგი თანამიმდევრობა:

- ბაზრის კონიუნქტურის შესწავლა და განაწილების სისტემის სტრატეგიული მიზნების განსაზღვრა;
- განაწილების სისტემაში გამავალი მატერიალური ნაკადის პროგნოზირებული სიდიდის გამოთვლა;
- სისტემაში მთლიანობაში და საქონლის გამტარი ჯაჭვის ცალკეულ უბნებზე მარაგთა აუცილებელი სიდიდის პროგნოზის შეპირისპირება;
- მომსახურების რეგიონის სატრანსპორტო ქსელის შესწავლა, მატერიალური ნაკადების სქემის შედგენა განაწილების სისტემის ფარგლებში;
- განაწილების სისტემის აგების სხვადასხვა ვარიანტის შემუშავება;
- თითოეული ვარიანტისთვის ლოგისტიკური დანახარჯების შეფასება;
- სარეალიზაციოდ ერთ-ერთი შემუშავებული ვარიანტის არჩევა.

ლოგისტიკური დანახარჯები გამანაწილებელ ლოგისტიკაში დიდწილადაა დაკავშირებული სატრანსპორტო-სასაწყობო, შეფუთვის და ტარის დანახარჯებთან, აგრეთვე საქონლის შემოტანის და მათი მომხმარებლებთან გაგზავნის დანახარჯებთან და ბრუნვის დანახარჯების სხვა შემადგენლებთან.

უნდა აღინიშნოს, რომ ლოგისტიკა ჩვენში ახალი მეცნიერებაა და მისი როლი სულ უფრო მეტად იზრდება. განსაკუთრებით მნიშვნელოვანია მისი როლი თავდაცვის სფეროში. სასურველია, რომ უმაღლეს სასწავლებლებში-საინჟინრო, ეკონომიკის, ბიზნესის და სხვა მიმართულებაზე ყურადღება მიექცეს ლოგისტიკის ინტენსიურ სწავლებას და ლოგისტიკოსების მომზადებას, ხოლო ორგანიზაციებში, უფრო ფართო ყურადღება დაეთმოს ლოგისტიკის განყოფილებების შექმნას და მის ფუნქციონირებას. ამ დისციპლინის შესწავლის საქმეში შუამავლების თემას ერთ-ერთი მნიშვნელოვანი ადგილი უკავია.

ლიტერატურა

1. ვეშაპიძე შ., საერთაშორისო ეკონომიკური ურთიერთობების პრობლემები, თბილისი სოციალურ-ეკონომიკური ინსტიტუტის გამოცემა, თბ., 1996;
2. ლ. ოსაძე, ლოგისტიკის განვითარების აუცილებლობის შესახებ საქართველოში, გორის მრავალპროფილიანი მცირე აკადემია, სამეცნიერო შრომების კრებული, 2008;
3. ლ. ოსაძე, ლოგისტიკური სისტემის როლი ფირმების სამეურნეო საქმიანობაში, ჟ „ბიზნესი და მენეჯმენტი“, №1 ბათუმი 2009;
4. ЛОГИСТИКА, учебник, под ред профессора Б. А. Аникина, Москва 2008.

რეზიუმე

შუამავლებს მნიშვნელოვანი ადგილი უჭირავს ლოგისტიკური სისტემის ფუნქციონირებაში. შუამავლობა, როგორც სამეურნეო ცხოვრების მოვლენა, ნიშნავს მესამე პირისათვის უფლებამოსილებათა გადაცემას გარკვეული ოპერაციების შესასრულებლად, კაპიტალის ბრუნვის დაჩქარების მიზნით. მათ ეკისრებათ სხვადასხვა ფუნქციის შესრულება, გასაღების არხში ის ხელს უწყობს საქმიანი კავშირების დამყარებას პროდუქციის მწარმოებელსა და მის მომხმარებელს შორის.

შუამავლები ლოგისტიკურ მოქმედებებში თავიანთ თავზე იღებენ ტრანსპორტირების, დასაწყობების, ტვირთის გადამუშავების, მარაგების მართვის ორგანიზაციას, ე.ი. საქონლის მომზადებას გაყიდვამდე და კომერციული გარიგების დასადასტურებლად პირობების შექმნას.

სხვადასხვა შუამავალი, ასრულებს რა სხვადასხვა ფუნქციას მზა პროდუქციის განაწილების პროცესში, ერთმანეთისგან განსხვავდება იმით, თუ ვის ხარჯზე და ვისი სახელით მუშაობენ, ესენი არ-

იან: დილერები, დისტრიბუტორები, კომისიონერები, აგენტები, ბროკერები, და სხვა.

შუამავლების გამოყენება განაწილების არხებში დამოკიდებულია პროდუქციის ხასიათსა და შუამავლების ყოფნაზე ბაზარში, ასევე მათი მომსახურების ღირებულებაზე. პროდუქციის განაწილებისას შუამავლების გამოყენებას გარკვეული სარგებელი მოაქვს. შუამავლების სფერო ლოგისტიკის დისციპლინის სწავლებისას ერთ-ერთ მნიშვნელოვან ობიექტს განეკუთვნება.

Shota Veshapidze, Lali Osadze
Dali Sekhniashvili

INTERMEDIARIES IN LOGISTICS

SUMMARY

Intermediaries play an important role in the performance of logistic system. Mediation, as a phenomenon of economic life, means the transferring the part of authority to the third parties for performance of specified activities to accelerate the turnover of capital. They are committed to accomplish various functions facilitating the forming of business relations between the product supplier and consumer.

Intermediaries in the logistic system are responsible for transportation, storage, inventory management and consequently, for preparing goods for selling and making the conditions for commercial arrangements.

Intermediaries, as they play various roles in the distribution of finished goods, differ from each other by the party they work for, which covers their expenses. They can be dealers, brokers, distributors, agents etc.

Usage of services of intermediaries in the distribution system depends on their presence on the market, tariffs and the product itself. Intermediaries can bring some benefits in distribution of goods and therefore, represent one of important areas of logistics.